

## Nuna najugaq ilinniakkap naammassereernerata kingorna


Ilinniartutik naammassisartut amerliartortillugit nunanut allanut ilinniartortartut aamma amerlatsikkiartorput. Ilaatigut maani ilinniaqqiffiit amerlasuut peqannginnerat pissutaalluni ilinniaqqinniartutik aallartartut amerlanerupput. 2003-mut sanilliullugu maanna ilinniaqqinniartutik aallartartut 21,8 pct.-inik amerlanerupput.

2018-imi ilinniarnermik aallussisut akornanni 30,2 pct.-it nunani allani ilinniartuupput. Ilinniartutik naammassisut ilaat Kalaallit Nunaannut angerlartarput, ilaat nunanut allanut nunasisartut.

### Nunani allani ilinniartut

2003-miit 2018-imut inuussutissarsiummik<sup>1</sup> nunani allani ilinniagaqarsimasut ilinniarnep naammassineranit ukioq ataaseq qaangiukkaangat 63,1 pct.-it nunani allani najugaqartarsimapput. Taakkunannga 21,4 pct.-it ilinniaqqittarsimapput. Nalinginnaanerpaavoq ilinniartut bacheloritut naammassinikut kandidatinngorniartarnerat. Titartakkami 1-imi takuneqarsinnaavoq ilinniakkap naammassineranit ukiut marluk siullit ingerlaneranni ilinniaqqinnermik aallussisut amerlanerusartut. Ilinniaqqinnermik aallussisut ikiliartornera ilutigalugu Kalaallit Nunaannut utertartut amerliartorput.

### Titartagaq 1. 2003-mit 2018-imut nunani allani ilinniakkamik naammassisut najugaqarfii, naammassinermit ukioq ataaseq ukiullu qulit akornanni qaangiutereersut



Nassuiaat: Inuussutissarsiummik ilinniarnep aamma ilinniaqqinnerit taamaallaat ilaapput.  
Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<http://bank.stat.gl/UDNBD1>)

<sup>1</sup> Inuussutissarsiummik ilinniarnep inuussutissarsiummik ilinniarnepuvoq imaluunniit inuussutissarsiummik ilinniaqqinneruvoq.

Nunani allani ilinniartutik naammassisut 36,9 pct.-ii ukioq ataaseq qaangiukkaangat Kalaallit Nunaanni najugaqartarput. Ilinniarluni naammassereernerup kingorna ukiut ingerlanerini Kalaallit Nunaannut nuuttartut amerlatsikkiartortarput, ilinniakkamik naammassininnerup kingorna ukiut 8-t qaangiunnerini Kalaallit Nunaannut nuuttut amerlanerpaajusarput. Nunani allani ilinniarluni naammassinermi ukiut 8-t qaangiunnerini 56,5 pct.-it Kalaallit Nunaanni najugaqartarput.


**Kalaallit Nunaannut utertartut amerlassusaat taamaaginnarpoq**

Nunani allani ilinniartutik naammassisartut ikinnerat eqqarsaatigisariaqarpoq ukiut ingerlaneranni sanilliusinnermi. Nunani allani ilinniartutik naammassisut ikinneri pissutigalugit ukiut pingasukkaarlugit agguaqatigiissitsisoqarpoq, kisitsisit ikikkaangata nikittoqalaaraangat inernerinik sunniingaatiartarnerat pinaveersaarnialugu.

Nunani allani ilinniartutik naammassisimasut Kalaallit Nunaannut nuussimasut amerlassusaat ukiuni kingullerni nikippiarsimangillat. Ilinniarluni naammassinermi ukioq ataaseq imaluunniit marluk qaangiunnerinit Kalaallit Nunaannut utersimasut amerlassusaat nikeralaarput. Ukiut pingajuanni Kalaallit Nunaannut utertartut amerlassusaat patajaannerulerput. 2007-imiit 2009-mut nunani allani ilinniartutik naammassisimasut Kalaallit Nunaannut utersimasut ukiunut allani naammassisunut sanilliullugu ikinnerupput.

Nunanut allanut ilinniariartut amerlanerulersimagaluartut ilinniareerlutik Kalaallit Nunaannut utertartut agguaqatigiissillugu amerlassusaat allanngorsimangilaq.

**Titartagaq 2: 2004-mit 2015-imut nunani allani ilinniartutik naammassisut akornannit Kalaallit Nunaannut utertartut amerlassusaat, ukiut pingasukkaarlugit**




Nassuiaat: Inuussutissarsiummik ilinniarnert aamma ilinniaqqinnerit taamaallaat ilaapput. Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<http://bank.stat.gl/UDNBD1>)

## Kalaallit Nunaanni ilinniartut

### Kalaallit Nunaanni ilinniartut

Kalaallit Nunaanni inuussutissarsiummik imaluunniit ilinniaqqinnermik naammassisut Kalaallit Nunaanni najugaqaannartartut nunani allani ilinniartutik naammassisunut sanilliullugit amerlanerupput. Kalaallit Nunaanni ilinniartutik naammassisut ukiut qulit qaangiunnerini 88,3 pct.-ii Kalaallit Nunaanni najugaqarput. Ilinniarluni naammassinermiit ukiut ingerlanerini ilinniartutik naammassisut akornanni Kalaallit Nunaanni najugaqartut ikiliartortarput.

### Titartagaq 1: 2003-mit 2018 Kalaallit Nunaanni ilinniartutik naammassisut akornannit Kalaallit Nunaanni najugaqartut amerlassusaat



Nassuiaat: Inuussutissarsiummik ilinniarterit aamma ilinniaqqinnerit taamaallaat ilaapput.

Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<http://bank.stat.gl/UDNBD1>)

## Ataatsimut isigalugu

**Tabel 1: 2008-miit 2017-imut nunani allani ilinniarlutik naammassisut**

	2009	2010	2011	2012	2013	2014	2015	2016	2017	2018
22										
Inuussutissarsiummik ilinniarlutasut	18	14	22	10	21	17	20	21	23	30
Ilinniaqqissimasut	84	86	58	82	87	80	75	90	117	109
Katillugit	102	100	80	92	108	97	95	111	140	139

**Tabel 2: Nunani allani ilinnialutik naammassisimasut ukiut 1-10 qaangiunneranni Kalaallit Nunaannut utertartut, 2008-2017**

	2009	2010	2011	2012	2013	2014	2015	2016	2017	2018
Ukioq 1	23	38	32	30	44	41	30	46	46	53
Ukiut 2	33	49	36	34	51	40	39	53	56	.
Ukiut 3	37	49	42	40	50	48	42	56	.	.
Ukiut 4	40	58	48	41	57	51	50	.	.	.
Ukiut 5	47	55	45	43	57	52	.	.	.	.
Ukiut 6	49	55	47	46	56	.	.	.	.	.
Ukiut 7	47	56	45	42	.	.	.	.	.	.
Ukiut 8	52	60	50	.	.	.	.	.	.	.
Ukiut 9	49	57	.	.	.	.	.	.	.	.
Ukiut 10	50	.	.	.	.	.	.	.	.	.

## Periaaseq

### Siunertaq

Kalaallit Nunaanni ilinniaqqiffissat ikimmata, ilinniaqqinniartut amerlasuut nunanut allanut ilinniariartarput. Kisitsisitigut paasissutissat "Ilinniarluni naammassereernermi nuna najugarisaq"-p saqqummersinneqarneranut nunani allani ilinniartutik naammassisut Kalaallit Nunaannut utertartut naammassisut akornanni amerlassusaasa ineriartornerisa malittarinissaat siunertarineqarpoq. Kisitsisitigut paasissutissanut ilanngunneqarput Kalaallit Nunaanni inuussutissarsiummik aamma ilinniaqqissimasut pillugit paasissutissat.

### Paasissutissat tunngavigineqartut

2003-mit maannamut nunani allani ilinniartutik naammassisimasut pillugit paasissutissat, nunani allani ilinniarnermik aallussisut pillugit paasissutissat nalunaarsuiffinniittut aamma innuttaasunut nalunaarsuiffiit tunngavigalugit atorineqarput. Ilinniaqqinnerit tassaapput sivikitsumik ilinniaqqinnerit, bacheloritut/professionsbacheloritut ilinniarnertit aamma kandidatitut ilinniarnertit.

## Periaaseq

31/12 nunani allani ilinniartutik naammassisimasut aamma aallussisut pillugit paasissutissat aamma 1/1 innuttaasunut paasissutissat ataatsimoortillugit suliarineqarput.

Ilinniarluni naammassinermi ukiup ataatsip qaangiunnerani nunagisaq naatsorsorneqarpoq ima, ukioq  $x + 1$ , innuttaasunut paasissutissat tunngavigalugit aamma ilinniartutik aallussisunut paasissutissani ukiup  $x$ -ip naanerani.

Nuna najugaqarfittut nalunaarutigineqarpoq uku tunngavigalugit:

Kalaallit Nunaat	Kalaallit Nunaanni najugaqartut innuttaasut nalunaarsuiffiannut nalunaarutigineqarsimasoq, nunami allami aallussilluni ilinniartutut <u><a href="#">nalunaarutigineqarsimanngitsoq</a></u>
Nuna alla	Kalaallit Nunaanni najugaqartartutut innuttaasut nalunaarsuiffiannut <u><a href="#">nalunaarutigineqarsimanngitsoq</a></u> , nunami allami aallussilluni ilinniartutut <u><a href="#">nalunaarutigineqarsimanngitsoq</a></u>
Nuna alla – ilinniarnermik suli ingerlatsisoq	Nunani allami aallussilluni ilinniartutut nalunaarutigineqarsimasoq

Inuit innuttaasut nalunaarsuiffiannut nalunaarutigineqarsimanngitsoq toqunikuusimasinnaapput. Taakku nunami allami najugaqartutut nalunaarneqartarput.

### **Naatsorsuutit**

Ilinniarluni naammassereernermi nuna najugarisaq pillugu kisitsisitigut paasissutissani, ilinniarlutik naammassisimasut Kalaallit Nunaanni najugaqartut, nunani allani najugaqartut imaluunniit ilinniakkamik naammassinermiit ukiut 1-10 qaangiunnerini suli nunani allani ilinniartut, naatsorsorneqarput. Kisitsisitigut paasissutissanut nunani allani aamma Kalaallit Nunaanni inuussutissarsiutigalugu ilinniartut aamma ilinniaqqittut ilanngunneqarput.

### **Amigaatit**

Ukiut sanilliunnerini nunani allani ilinniarlutik naammassisut ikitsuinnaanerata eqqarsaatigineqassaaq.

Inuk ataaseq kisitsisitigut paasissutissanut arlaleriarluni ilanngunneqarsimasinnaavoq. Assersuutigalugu 2010-mi bacheloritut naammassisimaguni 2012-imilu kandidatitut naammassisimalluni.

---

Ilisamaatinut nassuiaatit  
... Paasissutissat pigineqanngillat  
.. Paasissutissat tatiginanngitsut ilisarinnilersitsisinnaasulluunniit  
. Kisitsisitaqarsinnaanngitsut  
0 Affaanit mikinerusut  
- Nul  
\* Kisitsisaagallartut imaluunniit missingersuut

Saaffissaq  
Emil Malta  
E-mail: [emim@stat.gl](mailto:emim@stat.gl)

Ilinniartitaaneq

Naatsorsueqqissaartarfik  
Postboks 1025 · 3900 Nuuk  
Oqar.: +299 34 57 70 · Fax: +299 34 57 90  
[www.stat.gl](http://www.stat.gl) · e-mail: [stat@stat.gl](mailto:stat@stat.gl)

